



870 Starfsábyrgðartrygging fyrir ökutækja- og einkaleigur

sbr. (samanber) lög nr. (númer) 65/2015 um leigu skráningarskyldra ökutækja og reglugerð nr. 840/2015 um sama efni.

VÁTRYGGINGARSKILMÁLAR

1. Lög um vátryggingarsamninga og orðskýring.

- 1.1 Að öðru leyti en kveðið er á um í skilmálum þessum, vátryggingarskírteini eða öðrum gögnum, sem vátryggingarsamningurinn byggir á, gilda um hann lög nr. 30/2004 um vátryggingarsamninga.
- 1.2 Með orðinu bílaleiga í skilmálum þessu er átt við ökutækjaleigu og einkaleigu skv. (samkvæmt) lögum nr. 65/2015 um leigu skráningarskyldra ökutækja.

2. Gildissvið vátryggingarinnar.

- 2.1 Vátryggingin bætir leigutökum almennt fjártjón er stjórnendur og starfsmenn vátryggingartaka af gáleysi baka þeim vegna vanefndar á leigusamningi, t.d. (til dæmis) vegna afhendingartafa og endurgreiðslu fyrirfram greidds fjár sökum rekstrarstöðvunar eða gjaldþrots vátryggingartaka
- 2.2 Vátryggingin gildir hvar sem er innan Evrópska efnahagssvæðisins.

3. Undanskildar áhættur.

- 3.1 Vátryggingin tekur ekki ábyrgðar sem rakin verður til:
 - a. ásetnings vátryggingartaka eða starfsmanns hans,
 - b. ábyrgðar sem vátryggingartaki tekur á sig og er víðtækari en bótaskylda almennt samkvæmt leigusamningi um skráningarskyld ökutækja
 - c. sekta, sem falla á vátryggingartaka eða þriðja mann,
 - d. líkamstjóns eða skemmda á munum,
 - e. starfsemi bílaleigunnar utan Evrópska efnahagssvæðisins eða bótaábyrgðar sem er ríkari en eftir þeim reglum sem þar gilda um skaðabótagrundvöll eða ákvörðun bótafjárhæðar.
 - f. óþæginda eða miska vegna vanefndar á leigusamningi

4. Vátryggingarfjárhæð.

- 4.1 Ábyrgð félagsins vegna hvernar skaðabótakröfu takmarkast við 500.000krónur. Heildargreiðsla félagsins vegna allra bótakrafna innan hvers vátryggingarárs fer eftir fjölda ökutækja til útleigu, sbr. 4. mgr. 4. gr. reglugerðar nr. 840/2015 eins og nánar er tilgreint í vátryggingarskírteini. Fjárhæðirnar breytast eftir vísitölu, sbr. 12. gr. vátryggingarskilmálanna.
- 4.2 Félagið greiðir kostnað, sem eðlilegt er að vátryggingartaki stofni til vegna ákvörðunar um skaðabótaskyldu eða bótafjárhæð, enda þótt greiðsla félagsins fari af þeim sökum fram úr vátryggingarfjárhæðinni. Sama gildir um vexti, sem vátryggingartaki er dæmdur til að greiða af skaðabótakröfu, sem vátryggingin tekur til.
- 4.3 Sé vátryggingarfjárhæðin lægri en dæmdar skaðabætur, er félaginu þó aðeins skylt að greiða þann hluta vaxta og kostnaðar, er svarar til bótafjárhæðar þeirrar, sem því ber að greiða.

5. Eigin áhætta.

- 5.1 Af hverju tjóni ber vátryggingartaki eigin áhættu eins og getið er í skírteini eða iðgjaldskvittun. Fjárhæð þessi breytist árlega eftir vísitölu, sbr. 12. gr. vátryggingarskilmálanna. Eigin áhætta vátryggingartaka hefur ekki áhrif á réttarstöðu þriðja manns.

6. Tímatakörk.

- 6.1 Vátryggingin tekur til skaðabótakröfu gegn vátryggingartaka er til stofnast á vátryggingartímanum.
- 6.2 Skaðabótakrafa telst hafa stofnast við það tímamark að hið fyrra af eftirfarandi tilvikum hefur borið að höndum:
 - a. að þriðji maður gerir skriflega skaðabótakröfu á hendur vátryggingataka,
 - b. að vátryggingartaka verður fyrst kunnugt um að þriðji maður hefur orðið fyrir fjárhagslegu tjóni, sem kann að verða rakið til gáleysis vátryggingartaka eða starfsmanns hans, eða að bein hætta er á að slíkt tjón verði.
- 6.3 Vátryggingin tekur ekki til tjóns vegna skaðabótakröfu, sem stofnast hefur gegn vátryggingartaka á vátryggingartímanum, hafi krafan ekki verið tilkynnt félaginu í síðasta lagi þremur mánuðum eftir lok vátryggingarinnar. Þótt tjón teljist hafa orðið á vátryggingartímanum, og það hafi verið tilkynnt félaginu innan þriggja mánaða eftir lok vátryggingarinnar, tekur vátryggingin ekki til slíks tjóns nema vátryggingartaki

870 Starfsábyrgðartrygging fyrir ökutækja- og einkaleigur

sbr. (samanber) lög nr. (númer) 65/2015 um leigu skráningarskyldra ökutækja og reglugerð nr. 840/2015 um sama efni.

VÁTRYGGINGARSKILMÁLAR

hafi mótttekið skriflega skaðabótakröfu samkvæmt a. lið 2. mgr. og tilkynni það félaginu í síðasta lagi innan eins árs eftir lok vátryggingarinnar.

6.4 Skaðabótakröfu samkvæmt 2. mgr. bætir félagið ekki, hafi tjón orðið að einhverju leyti eða öllu áður en vátryggingartíminn hófst.

7. Önnur vátrygging.

7.1 Þegar tjón hefur orðið og í gildi er önnur vátrygging sem tekur til tjónsins, skal uppgjör bóta fara fram eftir því sem mælt er fyrir um í 37. gr. laga nr. 30/2004.

8. Ráðstafanir vegna tjóns og greiðsla bóta.

8.1 Jafnskjótt og vátryggingartaki fær vitneskju eða grun um að skaðabótakrafa verði gerð á hendur honum, ber honum að tilkynna félaginu það skriflega.

8.2 Félagið er ekki bundið af því, ef vátryggingartaki viðurkennir skaðabótakröfu, nema leitt sé í ljós, að vátryggingartaki gerði aðeins það, sem honum var skylt að lögum, er hann viðurkenndi réttmæti kröfunnar.

8.3 Félagið má greiða skaðabætur beint til tjónpóla (leigutaka), nema hann hafi þegar fengið tjón sitt bætt hjá vátryggingartaka.

9. Aukin áhætta.

9.1 Verði breytingar á atvikum eða upplýsingum, sem félaginu hefur verið skýrt frá í vátryggingarbeiðni eða á annan hátt, skal vátryggingartaki tilkynna félaginu um þær. Vanræki vátryggingartaki tilkynningarskyldu sína og verði tjón af völdum hinnar breyttu áhættu lækkar ábyrgð félagsins að tiltölu miðað við þá iðgjaldshækkun sem félagið hefði áskilið sér vegna áhættubreytingarinnar.

10. Greiðsla iðgjalds.

10.1 Greiða skal fyrsta iðgjald þegar vátryggingin gengur í gildi og síðari iðgjöld á tilgreindum gjalddögum. Félagið sendir vátryggingartaka tilkynningu um greiðslu iðgjaldsins. Í tilkynningunni skal greiðslufrestur tilgreindur sérstaklega sem skal vera einn mánuður hið skemmsta frá þeim degi sem tilkynningin er send.

10.2 Sé iðgjald ekki greitt þegar greiðslufresti lýkur samkvæmt 1. mgr. er félaginu heimilt að senda sérstaka aðvörun þar sem greiðslu er krafist innan 14 daga ella fellur vátryggingin niður sé iðgjaldið þá enn ógreitt, sbr. þó gr. 14.4.

10.3 Hafi vátryggingartaki ekki samið sérstaklega við félagið um greiðslu iðgjaldsins áður en frestur samkvæmt 2. mgr. rennur út telst það ógreitt, ef það er ekki að fullu greitt þegar fresturinn er úti.

10.4 Krafa um greiðslu iðgjalds er send á heimilisfang vátryggingartaka sem tilgreint er í þjóðskrá nema hann hafi tilgreint annað heimilisfang sérstaklega. Breytingar á tilgreindu heimilisfangi skal þegar í stað tilkynna félaginu.

10.5 Falli vátrygging niður samkvæmt 2. mgr. skal vátryggingartaki engu að síður greiða iðgjald fyrir það tímabil sem vátryggingin var í gildi. Reiknast þá iðgjaldið sem um skammtímatryggingu hafi verið að ræða.

10.6 Við innheimtu iðgjalds er félaginu heimilt að innheimta sérstakt gjald, sem nánar skal tilgreint í iðgjaldaskrá til að standa straum af kostnaði við innheimtu iðgjaldsins. Þess skal einnig getið sérstaklega í tilkynningu um greiðslu iðgjaldsins.

11. Endurkröfuréttur.

11.1 Bæti félagið tjón, sem þriðji maður ber ábyrgð á, öðlast það rétt vátryggðs gagnvart honum að því marki sem bótunum nemur.

11.2 Félagið á ætíð endurkröfurétt á hendur vátryggingartaka hafi félagið greitt bætur eftir að vátrygging hefur fallið niður, sbr. gr. 14.4.

12. Vísitölubreytingar.

12.1 Vátryggingarfjárhæðir samkvæmt 4. gr. miðast við vísitölu neysluverðs, grunnvísitala 428,2stig. Skulu þær breytast 1. maí ár hvert í hlutfalli við breytingar á þeirri vísitölu. Iðgjaldið og eigin áhætta breytast á sama hátt

870 Starfsábyrgðartrygging fyrir ökutækja- og einkaleigur

sbr. (samanber) lög nr. (númer) 65/2015 um leigu skráningarskyldra ökutækja og reglugerð nr. 840/2015 um sama efni.

VÁTRYGGINGARSKILMÁLAR

13. Fyrning.

13.1 Kröfur sem falla undir váttryggingu þessa, sem og endurkröfur váttryggingafélags, fynast samkvæmt ákvæðum laga um váttryggingarsamninga og laga nr. 150/2007 um fyrningu kröfuréttinda.

14. Gildistaka og lok váttryggingar.

14.1 Váttryggingin tekur gildi, þegar félagið samþykkir váttryggingarbeiðni. Váttryggingin gildir fyrir það tímabil sem tilgreint er í váttryggingarskírteini eða iðgjaldskvittun. Þegar tímabilinu lýkur framlengist váttryggingin um eitt ár í senn nema váttryggingartaki hafi sagt henni upp innan mánaðar frá því að félagið sendi tilkynningu um gjalddaga hins nýja tímabils samkvæmt gr. 10.1. Ekki er þó skylt að tilkynna uppsögn fyrr en tvær vikur eru til loka tímabilsins. Sé váttryggingin hins vegar tekin vegna atvinnurekstrar og umfang rekstraraðila samsvarar fleiri en fimm ársverkum eða starfsemin fer að mestu leyti fram erlendis skal uppsögnin ávallt hafa borist félaginu í síðasta lagi einum mánuði fyrir lok tímabilsins.

14.2 Þegar váttrygging er tekin vegna atvinnurekstrar og svo háttar um reksturinn sem greinir í lokamálslið 1. mgr. getur váttryggingartaki ekki sagt váttryggingarsamningnum upp á váttryggingartímanum til að flytja váttrygginguna til annars félags.

14.3 Váttryggingunni lýkur, hafi starfsleyfi bílaleigunnar verið felld niður eða leyfið lagt inn hjá Samgöngustofu.

14.4 Nú hefur váttryggingaratburður orðið, sem leitt hefur til alvarlegs trúnaðarbrests milli félagsins og váttryggingartaka, eða áhættumat, sem er til grundvallar váttryggingunni og iðgjald miðast við, hefur gerbreyst, er félaginu þá heimilt að segja tryggingunni upp með tveggja mánaða fyrirvara. Verði þrjú bótaskyld tjón á 18 mánaða tímabili hefur félagið rétt til þess að segja váttryggingunni upp. Skrifleg uppsögn skal fara fram án ástæðulauss dráttar eftir að félaginu varð kunnugt um atvik sem veita því rétt til uppsagnar. Félaginu er skylt að endurgreiða hlutfallslega iðgjald fyrir þann tíma sem eftir er af váttryggingartímabilinu.

14.5 Enda þótt váttryggingin sé fallin úr gildi, ber félagið ábyrgð gagnvart tjónþola á hverju tjóni, sem rekja má til tjónsatvika, sem verða þar til átta vikur eru liðnar frá því að félagið tilkynnti váttryggingartaka (bílaleigu) og Samgöngustofu að váttryggingin væri fallin úr gildi, nema önnur fullnægjandi váttrygging hafi verið tekin fyrir þennan frest.

15. Meðferð ágreiningsmála og varnarþing.

15.1 Verði ágreiningur um váttrygginguna, skal íslenskur dómstóll skera úr honum samkvæmt íslenskum lögum, nema annað leiði af þjóðréttarsamningum sem Ísland er bundið af.

15.2 Ágreiningi varðandi váttryggingarsamning og bótaskyldu félagsins að öðru leyti má skjóta til úrskurðarnefndar í váttryggingamálum. Upplýsingar um nefndina og starfshætti hennar má fá hjá félaginu.

15.3 Þrátt fyrir úrræði 2. mgr. er aðilum heimilt að leggja ágreininginn fyrir dómstóla. Slík mál, svo og önnur mál sem rísa út af váttryggingu þessari, skulu rekin fyrir Héraðsdómi Reykjavíkur. Félaginu er þó einnig heimilt að höfða mál út af váttryggingunni á heimilisvarnarþingi váttryggingartaka.

15.4 Heimili félagsins og varnarþing er í Reykjavík.

Skráning í tjónagrunn Creditinfo Lánstrausts hf.

Tjón sem tilkynnt eru til váttryggingafélaga eru skráð í sérstakan tjónagrunn sem rekinn er af Creditinfo Lánstrausts hf. samkvæmt samningi við Samtök fjármálafyrirtækja (SFF) sem félagið á aðild að og samkvæmt heimild Persónuverndar. Félagið telst ábyrgðaraðili í skilningi persónuverndarlaga nr. 90/2018 vegna skráningar þess á upplýsingum í grunninn og uppfléttingum sem framkvæmdar eru á vegum þess. Tilgangur með skráningu í tjónagrunninn er að stemma stigu við váttryggingarsvikum og ofgreiðslu váttryggingabóta. Skráðar eru upplýsingar um kennitölu tjónþola, tjónsnúmer, tegund váttryggingar og tjóns, dagsetning tjóns og skráningar, staðsetning tjóns og eftir atvikum einkvæmt númer hins váttryggða, s.s. skráningarnúmer ökutækis. Við skráningu tjóns fær félagið yfirlit yfir öll tjón sem tjónþoli hefur tilkynnt óháð félagi og skráð hafa verið í tjónagrunninn. Eingöngu starfsmenn félagsins sem skrá tjón og vinna að tjónauppgjöri hafa aðgang að tjónagrunninum. Upplýsingum skal eytt úr tjónagrunni þegar þeirra gerist ekki lengur þörf í þágu tilgangs vinnslunnar, í síðasta lagi þegar 10 ár eru frá skráningu upplýsinganna.

Skilmálar þessir gilda frá 21. mars 2016.